



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1838

XVIII. Die Grafen Gunzel und Heinrich von Schwerin verkaufen dem Kloster das Eigenthum an der Hälfte des Dorfs Porep im J. 1307.

[urn:nbn:de:hbz:466:1-54294](https://nbn-resolving.org/urn:nbn:de:hbz:466:1-54294)

limites et metas dicte ville, et cum omni jure et Commoditate, Insuper cum omni judicio et justitia, vassallorum nostrorum fidelium excepto omni seruitio. Memorata bona, cum dimidio manso in stoven-
dorpe, contulimus dicto Cenobio libere absque ulla inpetitione perpetuo possidenda, Ea resignantes
ad vsus ipsius Cenobii ecclesiastice libertate. Vt autem hoc rationabile factum nostrum, vassallorum nostro-
rumque fidelium consensu pariter et assensu ordinatum, perpetuam habeat firmitatem et ne possit a no-
stris successoribus inmutari, prefens scriptum sigilli nostri munimine duximus Roborandum. Testes hujus
facti sunt Nicholaus de Malyn, Johannes de Iewezowe, Conradus buno, milites, dominus Ludolfus ple-
banus in plawe, dominus Johannes prepositus de kalande, sacerdotes, Everhardus factor ciuis in plawe,
hynricus Drofonowe advocatus, Johannes hafelowe et alii quam plures fide digni. Actum et datum
anno domini M^o CCC^o In die sancti Michael, archangeli.

Nach dem Original, woran das Siegel fehlt.

**XVIII. Die Grafen Gunzel und Heinrich von Schwerin verkaufen dem Kloster das Eigenthum
an der Hälfte des Dorfs Porep im J. 1307.**

Vniuersis cristi fidelibus prefens scriptum contuentibus Guncelinus & hinricus, dei gracia Comi-
tes de Zwerin, salutem in vero salutari domino ihesu cristo. Ne temporis defluxu, que geruntur intem-
pore, transeant a memoria, necesse est ea litterarum testimoniiis ac sigillationibus perhennari. Qua prop-
ter nouerint, tam presentes quam presencium successores, Nos de maturo consilio ac pleno consensu
omnium eorum, quorum consensus necesse fuerat requirendus, vendidisse domino preposito & conuentui
monasterii in stepenitz, pro sexaginta marcis denariorum slauicorum, eadem summa pecunie nobis inte-
graliter persoluta, proprietatem dimidie ville, que porybe dicitur, in omnibus suis terminis & determi-
nacionibus, sicut nunc jacet, in nemoribus, pratis, pascuis, paludibus, campis, cultis & incultis, aquarum
discursibus, cum omni utilitate intra contenta, jam constructa uel in posterum construenda, cum omni
iure & libertate, iudicium eciam sentencie capitalis & manus abscisionem omniumque culparum correctio-
nem, colonos ipsius ville excipientes ab omni onere advocatorum, ab omni grauamine euectionum siue deductio-
num lapidum, calcis uel aliarum rerum a qualibet expeditione, a labore poncium seu castrorum, a grauamine, quod
dicitur vaccarum incisio uel porcorum, ab omni peticione & exactione, quocumque nomine censetur vel contingat
cuiuslibet noua adinventione decetero nominari: eciam a communi terre defensione, que lantwere dicitur,
liberos esse volumus & exemptos, nichil iuris nobis reseruando, quo iam dictam villam vel homines
ipsius ville quocumque modo impetere valeamus, sed totaliter, sicut possedimus, in hiis scriptis predicto
monasterio resignamus, jta videlicet, ut altare in dicto monasterio, constructum pro remedio
animarum nostrorum progenitorum nostrarumque animarum & omnium heredum no-
strorum, suo robore perpetuo perseueret. Vt autem hec firma permaneant & inconvulsa, pre-
sentem litteram sigillorum nostrorum munimine roboramus. Testes huius rei sunt Otto, decanus ecclesie
zwerinensis, Conradus, Thezaurarius ibidem, hinricus, plebanus de noua ciuitate, Dominus Fredericus de
lobeke, Gherardus raben, Olicus de pinnowe, bolcho de driberghe, Conradus de Carow, advocatus no-
ster, Gher. de Redekestorp, fredericus smelzen, milites, hartwicus pape, borchardus, noster clericus, et
alii quam plures clerici et laici, vocati ad hoc specialiter et rogati. Datum banttecowe, anno domini
millesimo C^o C^o C^o septimo, in die iacobi apostoli.

Nach dem Original, an welchem beide Siegel fehlen.